

FUTBOLA

Euskal taldeen markak lehenengo itzulian

Reala eta Athletica maldan behera eta Osasuna goiari eutsiz Liga erdian

Ligaren lehenengo itzulia amaitzean, euskal taldeek marka arras desberdinak lortu dituzte. Athletica eta Reala denboraldi hasieran ezarritako helburuetatik urrun dira, eta Osasuna, askozaz aurrekontu txikiagoarekin, marka guztiak hausten ari da, diruak taldea ez duela egiten erakutsiz.


X.M./DONOSTIA

Osasunari El Sadarren bi puntu besterik ez dizkiote lapurtu, eta kanpoan bost berdinketa lortu ditu, Real Madridi 0-4 irabazteaz gain. Realahul agertu da Atotxan, lau partidutan berdindu eta Athleticen kontra galduz; kanpoan, hiru berdinketa baino ez ditu lortu, Betis, Cadiz eta Castellonen aurka. Athletici dago-kionez, bi aldiz galdu du San Mamesen, eta beste bitan berdindu; kanpoan, Español eta Realaren kontrako lau puntuak besterik ez ditu lortu.

GOLIK SARTU EZIN Golak omen dira futbolaren saltsa. Horrela bada, donostiarrak lehor geratu dira denboraldiko lehenengo itzulian. Hemeretzi partidutan hamabost baino ez dituzte lortu, batzaz beste 0,79 partiduko; aspaldiko markarik txarrena. Hogeitalau egin dizkiote gainera Gonzalezi, atzekalde ahularen erakusgarri.

Athletic ere ez du oso fin ibili atearen aurrean, eta hamazazpi gol marka eskaxa da; Iruri gainera hogeitabat egin dizkiote.

Osasunak ez du alferrik Urban poloniarra, eta iruñearrak Ligako hirugarren goleatzaile onenak dira, hogeitabost golekin. Zabalzaren hamaikakoak hamabi gol besterik ez ditu jaso gainera, Atletico Madriden ondotik marka onena. El Sadar gain-



OSASUNAK ez du apenas gora beherarik izan lehenengo itzulian, grafikoak erakusten duenez. Bostgarren ihardunaldirako hirugarren portuan jarri zen, eta zazpigarrenaren jeitsi arren gorako bidea hartu zuen, azken lau ihardunalditan hirugarren postuari eutsiz. Ez da txantxetako, goikaldean mantentzeko puntu ugari bildu behar bait dira. Real

nola edo hala ibili da hamargarren ihardunaldira arte, baina Tenerifengaldu zuenetik ez du bururik altza eta maldan behera doa, nabarmen. Athletic aldiz, hemezortzigarren eta bigarren ere izan da; hamaikagarren ihardunalditik aurrera oreka lortu zuela zirudien, 7-9 postu artean, baina azken hiru partiduek beherantzako bidea eman diote.

diezina izan zaie talde gehienei, hiritan baino ez bait dute zulatu gorritxoan atea bertan.

Athletic eta Osasunak partidu bana dute jokatzeko, baina iazko denboraldiarekin alderatuz, Osasunak martxa paretua darama: aurtun hirugarren postuan badoa 25+5, iaz laugarren zegoen 24+6. Athleticek ere ez du gora behera handirik, eta Lertxundiren hitzetan «Euskal Herriko selekzioa» izan nahi zuena hama-hirugarren postuan doa, iaz beza-

la, 17-1 marka 18-2 bihurtuta. Real aldiz, itxuragabetuta dabil iazko kanpainarekin alderatuz gero. Seigarren postutik hamazazpigarrenera jeitsi da, eta 24+4 hura 15-3 bilakatu da.

DIRUA ETA JOKOA Osasunak Ligako aurrekonturik txikienetarikoa du, baina inor gutxik bezalakako duintasuna. Fermin Ezkurra lehendakariak eredu behar luke izan hainbat eta hainbatentzat, ez bait

da makala futbol taldeak urterik urte superabita ematea. Zabalzaren umiltasunak ere ez du parekorik, eta Txoarreko gazteekin talde bikaina osatu du, Urban bezalako atzerritarak fitxatuz. 'Pitxitxia' errenta ona ari da ematen, golak sartzeaz gain taldearentzat jokatzeko bait du.

Donostiako Realean aldiz, bi atzeritar berriekin izugarritzko denboraldia egitea espero zuten. Helburu handiak eta tamainako aurrekontua ezarri zituzten, baina porrota sonatua

✓ Boronat bota zuten, eta Clementeren lepoa ere ez dago ziur, San Mameseko zaletuak taldeari txistuka hasi zaizkionean.

Osasuna gaindiezina bihurtu da talde askorentzat, eta El Sadar zelaian hiru gol baino ez dizkiote egin hamar partidutan, aldeko hamabost lortuz.

da. Boronat ere bota dute, une larrian, eta jokalaria zaharrak dira, Gajate, Gorritz eta Larrañaga bezalakoak, taldearen euskarri sendoenak.

Athleticek ez dio talde handia izateari utzi nahi, Euskal Herriko jokariak soilik fitxatuz. Clemente ere ekarri zuten, baina emaitzak ez dira lagun eta Barakaldokoaren lepoa ere kolokan dago. San Mameseko zalegoa taldeari txistuka hasia zaio, joko txarra aitzaki. Loren atzelari bikaina dela erakusten ari da; goleatzailea fitxatu zuten ordea, 300 milioi pezeta ordainduta.

BESTE ERDIA FALTA Kontuak ordea denboraldi amaieran eskatu behar dira. Realak hasierako helburuak betetzea ezinezko badu erte, promozio postuetatik urrunduta eta zaletuei joko hobia eskaintzeko aukera dute. Athleticek zail du hainbeste desiotako UEFArako postuetan sartzea, baina aukerarik badu oraindik. Osasunari oraingo maila ematen jarraitzea besterik ezin zaio eskatu.

Orain ordea, donostiarrak eta bilbotarrek badute kezkatzeko arrazoi-rik; eta iruñarrek poztekorik.

Euskal taldeak zenbakitan

Osasuna		
Jokalaria	Min.	Golak
M. Dominguez	1.589	1
Urban	1.587	11
Castañeda	1.575	—
M. Morales	1.530	—
Roberto	1.525	11
Bustingorri	1.496	1
Ibañez	1.472	—
De Luis	1.468	—
Ziganda	1.359	4
Pepin	1.350	—
Merino	794	—
Cholo	794	4
Larrainzar II	611	1
Sola	474	2
Unanua	90	1
Larrainzar I	90	—
Camilo	29	—
Jose Mari	12	—
Oscar	—	—
Edu	—	—
Grimes	—	—
Toledo	—	—
Pascual	—	—

Athletic		
Jokalaria	Min.	Golak
Alkorta	1.620	21
Salinas	1.530	—
Billabona	1.370	—
Loren	1.322	1
Lorren	1.305	6
Valverde	1.280	—
Luis Fernando	1.179	—
Larrazabal	937	1
Ripodas	900	2
Mendiguren	897	1
Andrinua	856	—
Lakabeg	668	2
Urrutia	663	—
Gallego	615	—
Urtubi	571	2
Luke	570	1
Garitano	351	—
Estibariz	312	—
Tabuenca	270	—
Uribarrena	200	—
Eskurza	158	—
Iturrino	94	—
Merino	90	—
Cuellar	45	—

Reala		
Jokalaria	Min.	Golak
Iru	1.710	24
Gajate	1.710	—
Larrañaga	1.710	—
Aldridge	1.710	8
Gorritz	1.620	—
Bengoetxea	1.620	—
Lasa	1.587	2
Richardson	1.542	—
Fuentes	1.278	—
Mentxaka	1.242	—
Atkinson	991	2
Agirre	393	1
Lunbreras	350	—
Luis Perez	319	—
Dadie	273	—
Uribe	195	—
Roteta	189	—
Carlos Martinez	91	—
Imanol	90	—
Alonso	72	—
Guruzeta	55	—
Loinaz	48	—
Santi	9	—
Vergara	—	—

SAN MAMES FUTBOL ZELAIA

Igandean, urtarrilak 27, 17:00etan

Liga Txapelketa, 1. Maila

ATHLETIC CLUB - C.D. TENERIFE

TXARTEL SALMENTA

TXARTELDEGIA: SAN MAMES STADIUMean

Ostiralean, 17:30etatik 20:00etara

Larunbatean, 10:30etatik 13:30etara eta

17:30etatik 20:00etara

Igandean, 10:30etatik 13:00etara eta

15:30etatik aurrera

EZAUGARRIA: «O» TXARTELERIA

LEZAMAKO Kirol Instalazioak

Igandean, urtarrilak 27, 11:30etan

Ohorezko Gazte Maila

Bilbao A.C. - Real Avilés